

欽定剿平三省邪匪方略

欽定剿平三省邪匪方略正編卷三百四十六

壬戌年

十月十九日

丁巳德楞泰奏言竊臣於十一日帶

兵行抵顧村河探報戴四崔胡賊匪由橫河前

竄施家溝紙廠溝一帶查該處係老山極險之

處馬力不能前進其南面之茶園河鄭家坪派

叅將馬文斌遊擊劉彪楊登魁等帶步隊兵勇

前進東面之方家河牛欄頭派副將馬應國何

君佐遊擊楊森北面之八里坪派參將王占鰲
遊擊李東宣西面之凉水坑令馬瑜副將呢瑪
善等均各分帶步隊兵勇兜剿臣督率富翰色
爾滾溫春富登阿托爾托保等帶領馬步兵勇
在於林外分投扼截是夜各路兵勇均已趕抵
施家溝紙廠溝探得該處地勢稍爲平坦有百
姓草房數間逆衆散屯於房屋內外各處號火

極多馬瑜呢瑪善帶領兵勇於黎明時由西面
山梁壓下有花翎千總謝金章藍翎千總姜成
龍把總楊和藍翎候補把總魏忠才帶領兵勇
首先衝入殺賊數名擒獲賊匪十餘名當訊獲
犯供稱戴四掌櫃趙元帥在內等語有四川鄉
勇葛富張富登時將戴四戮斃四川鄉勇陳倅
生擒趙元帥雲南把總楊和趕上幫同捆縛共

殺賊二十二名生擒五十三名餘匪向東面牛
欄頭奔逃又被馬應國何君佐等兵勇截住殺
賊十一名活捉賊匪三十六名此股賊匪首從
全行殄擒並無一名漏網當查訊崔胡二逆下
落據趙鑑等供崔宗和胡明遠於昨夜各帶二
三十人脫逃不知何往等語隨將戴四首級令
趙鑑並各獲犯指認僉供如一復於戴四身邊

搜出逆父戴新傳教靈文一張

臣

查驗戴四約

二十四五歲白面無鬚右腮有鎗傷疤痕一道

與存記年歲面貌相同實係戴四正身毫無疑

義旋據探報崔胡二逆共帶五六十人均無器

械昨夜竄出老林向龍洞坡興房界嶺北逃勢

極狠獷

臣

隨派遊擊李東宣都司龍必達高發

榮挑帶趨健兵勇緊跟追剿務期將首夥全行

殲除斷不可令其遠颺訊據趙鑑供年五十一歲湖北襄陽縣陳家河人原與戴四的父親戴新同張漢潮一同起事戴四名叫戴四傑二十四歲他家傳教已久輩分最大戴新死了衆人就尊他爲老掌櫃這幾年在河南陝西四川湖北地方殺人放火與官兵打仗很多張漢潮死後戴四另爲一股封。崔宗和胡明遠與我三

個做元帥今年夏間又和樊人傑合夥後來四川的官兵下湖廣來把我們殺敗戴四與我們商量如今湖北兵多再站不住就帶了五六百人分開各走要過陝西四川去都被截殺不能過去纔躲到這南山紙廠溝施家溝裏崔宗和胡明遠各帶二三十人由老林裏逃走不知何往戴四見官兵衝進營來無路可逃拚死抵敵

當被戮死我被拏住等語計共生擒賊匪趙鑑
等八十九名訊出僞總兵姚有春探馬頭徐玉
宗鼎祖文俱係襄陽陳賊與趙鑑一併轢割示

衆其積年戰手郭五張朝雲等六十六名概行

正法被擄未久難民十九名照例釋放臣查趙

鑑一犯去年夥同徐添德等在興房一帶滋擾

經臣奏明在案嗣後杳無蹤跡今與戴四同時

擒殲該二犯係襄陽同時起事首逆數年來抗拒官兵荼毒數省生靈實爲罪大惡極茲幸仰仗

天威將該二犯一併殲擒洵足以彰

國典而快人心查崔胡二逆只帶五六十人北逃

窮蹙萬分斷不敢東折臣已派遊擊李東宣等

帶兵勇五百名趕剿窮其所向且吉林泰李天

林兩路官兵現在竹山之紅坪羅漢洞一帶搜

捕零匪正可迎頭殲擒

臣

飛飭該鎮等探明截

剿諒該逆萬難免脫至陳姓賊匪近探尙在巴

東火峯界嶺游奕並未遠颺惟又據守備史定

川探報興山所屬之中子洋坪一帶現有賊匪

數百人在彼滋擾查中子洋坪相距大營二百

餘里較之巴東稍近

臣

於拜摺後卽督率迅剿

先行肅清北面再當發師巴東趕緊剿辦陳姓
之賊此次受傷兵勇數名容候查明另行咨部
辦理其戴四身上搜出逆父戴新傳教靈文一
張謹附摺恭呈

御覽再查竹山協副將呢瑪善此次同馬瑜等帶兵
協剿步行入山鑽林越箐生擒趙鑑殺斃戴四
將全股賊匪擒斬殆盡屢著勞績誠爲得力之

員理合據實奏

聞可否量予獎勵

賞戴花翎之處出自

天恩再此次首先衝入賊巢之花翎千總謝金章藍
翎千總姜成龍實屬奮勉請

賞守備銜遇缺卽補藍翎候補把總魏忠才請以千
總卽補雲南把總楊和魁

恩賞戴藍翎其殲斃戴四之鄉勇葛富張富生擒趙

鑑之鄉勇陳係除

臣於

頒賞銀內各賞給銀一百兩外以上三名懇

恩賞戴藍翎謹一併奏請

訓示奏入

上命軍機大臣傳諭德楞泰曰此次戴四股匪在施家溝紙廠溝逃竄經德楞泰督率將領四面圍擊

探得該匪在民房散屯馬瑜呢瑪善帶領兵勇由
西南山梁壓下斬獲多名並殲斃戴四掌櫃生擒
偽元帥趙鑑此股賊匪首從全行殄擒並無一名
漏網德楞泰調度有方著賞給白玉大吉牌一塊
四喜玉搬指一個黃辦珊瑚豆大荷包一對小荷
包四個並交部議敘俟將湖北各匪辦完後再加
優賞總兵馬瑜副將呢瑪善帶兵進剿殲擒賊目

亦著交部議敘呢瑪善並賞戴花翎其首先衝入
賊巢之千總謝金章姜成龍把總楊和候補把總
魏忠才均屬奮勇謝金章姜成龍著加恩賞給守
備銜遇缺卽補魏忠才著以千總卽補楊和著賞
戴藍翎鄉勇葛富張富殲兇首逆戴四鄉勇陳倖
生擒僞元帥趙鑑除已各賞銀一百兩外並著加
恩賞戴藍翎又發去青玉四喜搬指五個象牙四

喜搬指五個磁搬指套五個象牙搬指套五個花
大荷包五對小荷包十個著德楞泰分賞出力將
弁壹兩重銀牌一百面五錢重銀牌一百面分賞
出力兵勇以示鼓勵此時戴四股匪業已剿盡其
崔胡二逆祇帶領五六十人向北窮竄德楞泰已
派遊擊李東宣等帶兵趕剿且吉林泰李天林兩
路官兵在竹山一帶搜捕零匪正可迎頭截擊務

將此股殘匪上緊殲除勿留餘孽惟摺內稱興山屬之中子洋坪一帶現有賊匪數百人在彼滋擾此股賊匪是否卽係巴東陳姓聚匪分出抑係另起之賊德楞泰現在督兵先往中子洋坪趕剿此股肅清北面再移師巴東剿辦陳姓如能將兩處賊匪迅速掃除湖北別無成股賊衆德楞泰當遵照昨旨與額勒登保互商將楚省搜緝零匪之事

交賽冲阿孫清元等辦理或額勒登保就近兼顧
德楞泰卽當統率勝兵入川協剿此時川省賊數
增多均由湖北竄往德楞泰本係成都將軍又係
伊在楚未經剿盡之賊自應一手辦竣務須倍加
奮勉於十月內全數蕩平圻膺懋賞不可又有耽
延勉成大功爲要

同日惠齡奏言竊

臣

昨因提督楊遇春親率官

兵已向嶺南督剿恐嶺北一帶無人督率致任
零匪潛匿當卽帶兵由子午峪入山馳赴夾嶺
一帶偵探賊蹤就近督飭搜捕嗣據探報前在
小南溝屯聚之賊匪一二百人經楊遇春帶兵
趕往擊剿該匪聞風已先由琵琶嶺一帶西竄
楊遇春卽督同楊芳冒雨催兵追至火地坪擒獲
活賊劉老第等五名並救出難婦余氏等賊匪

丟棄糧食包裹甚多又分爲數股沿途散竄楊
遇春楊芳分帶兵勇由蓮花石油磨等處逼加
搜捕都司余步雲在干岔河搜殺賊匪二名生
擒張隆等四名又軍功黃太等在朝陽寨地方
望見林內火光乘夜搜殺賊匪四名餘賊多有
帶傷者該逆等被搜緊急復由大水溝一帶狂
竄楊遇春楊芳等緊蹙跟追

臣

亦由八里坪一

帶兜鍪前進沿途均有斬獲直追至蓼葉坪老
林賊匪情急返身抗拒楊遇春楊芳揮兵直前
攬殺一處內有一賊身穿紅褂招呼衆賊一擁
撲進兵丁李連首先衝入被賊戳斃陣亡有軍
功蒲子葉王明智率領鄉勇戴貴甘奉陳文斌
等搶上將身穿紅褂之賊卽時生擒餘賊敗退
兵勇一齊趕殺共戮斃二十餘人僅剩三四十

人亡命逃遁適軍功袁俊華田叅塘河搜剿前來復經截殺又殲斃賊匪八名餘賊棄械四散當提擒獲活賊審訊據供我名苟文清苟文明是我胞兄自苟文明被殺後我只帶有八十餘人逃走總在老林奔竄因人少不敢打仗探有官兵追近就把衆人分作十幾處隨地藏躲等官兵過後再聚合一處掠食昨與張元帥合營

要一同往東路覓食不意被官兵連次搜殺我
情急拚命遂被捉住等語當卽將該犯樹割又
馬二掌櫃一股零匪竄至黑魚溝經外委趙起
貴帶兵追及殺賊五人生擒二名又經都司馬
進搜獲該逆夥內大旗手一名餘匪乘夜逃逸
又楊芳所派外委馬元奎等探有零匪十餘人
在弓家灣老林潛匿當卽帶兵趕往搜剿該匪

等一見官兵卽拋棄器械從林內投出跪地喊
求饒命共計十三人當經該外委報解到營內
有苟文禮父子二人據供與苟文明原係同族
被他們逼脅入夥經官兵殺散我與兒子苟朝
靖并陳宗友等十三人藏在老林聽見人說投
首的免死方敢投出我情願隨同官兵再去招
呼同夥舊人都來投首等語查苟文禮父子雖

係荷逆族黨但其入縣山人逼脅且既經棄械
投誠自當遵照

恩旨貸其一死使賊匪聞之知荷逆親屬一經投出
尙能獲邀寬典更可釋其疑慮相率來投再據
通判雒昂稟報在廟坪老林殲斃賊匪五人生
擒一名又委員劉國贊稟報在秦嶺西溝殲斃
十九人擒獲僞先鋒謝添貴一名當卽正法又

總兵李應貴追剿一股賊匪西竄柴家關經委
員郭利賓張廷相率同軍功朱陞等帶勇堵剿
殲斃賊匪數名賊匪捨死衝撲軍功朱陞力戰
陣亡適總兵李應貴帶兵趕上殺賊五名生擒
十五名餘賊由黑屹嶺向秦嶺老林西竄李應
貴緊躡追剿又委員白受華在鉞牌溝老林搜
殺賊匪三人捉獲一名委員應先燕在對子溝

率勇防堵鎗斃賊匪四人集總林定隆盤獲賊
匪王懷玉等五名解送寧陝廳審辦各等情查
刻下山內零匪因各路兵勇向東排搜均有竄
向西路之勢楊芳率同守備党聯陞等已出栗
札坪向西跟追楊遇春亦由洵陽壩向西督剿
臣復飛飭總兵李應貴抄赴西面會同侍衛哈
豐阿都司司國屏趙有倉等顧西向東截擊以

期兩路逼剿勿令餘匪擾及棧道臣亦卽從西

流水一帶馳赴西路紙坊溝等處偵探賊蹤如

已直向西奔臣卽由山內趕赴西路搜剿倘該

匪等又圖北竄窺伺平原臣仍卽由涉峪出山

緊顧北面峪口以防該匪輾轉逃避惟山內連

日大雨秦嶺老林已有積雪臣前經捐廉製備

棉衣鞋腳二千五百件當經分給各路出力兵

勇加以鼓勵務須乘此賊勢殘敗之時盡力搜捕使賊匪無喘息之暇自可立時掃蕩迅就肅

清再

臣

接准將軍興奎咨稱川境松坪一帶有

賊匪二百餘人在彼游奕距陝境花石梁等處

卡隘較近當經飛飭都司永明帶兵前往探剿

該匪聞信仍由原路折奔東溪寺遠遁又探聞

五塊石等處有零匪二十餘人潛匿亦經永明

前往搜捕擒獲賊匪二名餘賊折回川境逃逸
興奎因聞南山餘匪有西竄之勢并聞留壩九
條灣有零匪二三十人滋擾雖經委員黃綬率
勇搜殺數名餘匪仍遁入老林恐其奔入黑河
由寧河逃赴川省當卽移營寧河適中之鐵鎖
關駐紮以期東西兼顧仍督飭慶溥永明嚴防
邊界又據總兵富蘭稟報由川省通江寨至新

寨子有一股賊匪二百餘人經該鎮帶兵迎擊
殲斃賊匪十餘人生擒黃宗林等十一人千總
楊鵬基首先衝殺猝中賊矛陣亡並陣亡兵丁
四名該匪奔竄松樹壩又經該鎮躡蹤趕上殺
賊二名餘賊連夜由柳樹壩折回川境有臬司
劉清接剿又據平利縣稟報由川省竄至散子
坪零匪百餘人經守備王英在川陝交界之石

密河朝陽坪等處截剿殲斃多名擒獲五名該
匪由黃墩一路折竄入川等語現在經署額勒
登保移赴楚界探剿賊窟股匪其陝境邊防已
留將軍賽冲阿總兵喜明照料堵截提督穆克
登布又在安紫一帶沿邊截擊不致賊匪闖入
其江岸一帶臣已飭各地方文武並防邊鎮將
等在於淺灘處所安設兵勇加意隄防並隨時

查察船隻毋許停泊南岸布置嚴密似可無竄
越之虞奏入

上命軍機大臣傳諭興奎惠齡楊遇春曰此次惠齡
楊遇春楊芳等分投追剿大水溝蓼葉坪老林賊
匪沿途殲斃數十名並生擒苟文明之弟苟文清
一犯審明後卽將該犯臠割其餘各股零匪亦均
有斬獲所辦尙好其隨同打仗生擒苟逆之軍功

蒲子栞王明智鄉勇戴貴甘奉陳文斌等尙無頂
戴卽著賞給七品頂戴若已有頂戴卽著賞戴藍
翎以示獎勵陝省零匪爲數無幾不難剋日搜捕
完竣惟摺內稱川境松坪一帶尙有賊匪二百餘人
在彼游奕又總兵富蘭稟報由川省通江竄至新
寨子一股賊匪二百餘人又平利縣稟報由川省
竄至散子坪零匪百餘人均截回川境等語看來

湖北餘匪離陝境邊界已遠不能竄入而川省剿散零匪紛紛俱欲竄陝若再逸入南山剿辦更爲棘手是此時防堵川省零股之賊尤爲緊要楊遇春現因南山零匪未淨不能分出兵勇在川陝邊界防堵但刻下山內零匪究屬有限搜捕較易肅節係該省總督應督率楊芳雒昂等在山內搜剿楊芳係陝安鎮總兵該處地方是其專轄路徑亦

爲熟悉所有山內之賊卽交該鎮等上緊剿淨勿
留餘孽至興奎甫任將軍於該處道路情形未能
周悉莫若騰出提督楊遇春一路兵力在川陝交
界往來巡緝實力堵剿遇有自川竄近賊股卽責
成該提督會同興奎迅速剿盡惠齡仍當督飭鎮
將總以嚴防川境竄匪爲要倘興奎等經此次飭
諭之後不能實力防範仍令川省賊股乘間逸入

則惟伊等是問必從重治罪決不輕恕若同心協力嚴密防堵俾川省賊匪剿淨馳遞提督伊等防堵之功卽同臨陣之績亦必同邀恩獎也所有此次打仗陣亡之兵丁李連軍功朱陞千總楊鵬基均著咨部賜卹再陝省各處大山老林刻下已無成股之賊在彼潛藏或有零星散匪十數爲輩遁匿其中若不淨絕根株仍恐其復行糾聚惠齡等

奏報歲事後當分派得力鎮將帶領官兵將老林內以次排搜務須深入林內通行四捕實在搜除淨絕方可先撤鄉勇次撤官兵爲一勞永逸之計再會同川楚各督撫詳議章程每年三省派出提鎮大員於川楚陝交界各老林內定期會哨一二

次奏明遵照辦理方爲妥善

同日陸有仁奏言連日據探報前由紫陽奔竄

川界之王姓股匪經穆克登布派兵緊蹙追截
已深入川境其前竄沔陽一帶之熊姓股匪經
富翰呢瑪善連次分投剿殺餘剩無幾現亦折
回楚境經畧額勒登保由紫陽移師平利縣屬
之八卦廟一帶就近探蹤剿辦川楚邊界之賊
至南山餘匪成股者止有兩起每起不過七八
十人其餘俱零星散竄到處潛藏督臣惠齡商

同楊遇春等設法搜剿楊遇春帶兵馳至小岔溝正遇成股之賊擒斬二十餘名又總兵楊芳於楊泗廟老林乘夜搜獲賊匪十餘名又通判雒昂於黑龍溝一帶老林招降賊匪曹正魁等十四名連日來各路將弁寨員各有搜獲零匪自一二名至四五名不等均經隨地解送軍營並地方官分別辦理復降次札催楊遇春楊

芳並嚴飭各路督辦寨勇大員乘此天時尙未
冱寒趕緊搜洗淨盡務期南山寇日肅清楊遇
春等卽可移師邊界探剿川楚未淨零匪則三
省大功更可同時告竣共慶救寧前蒙

賞撥餉銀

臣

節次咨催接續解到各處供支藉資分

撥再

臣

前櫻微疾日來已覺漸愈並能加進飲

食上緊調治自卽就痊足慰

聖明垂鑒至一應緊要公事

臣

力疾照常辦理未敢

貽悞奏入

上命軍機大臣傳諭陸有仁曰陸有仁奏探明搜剿賊匪情形與惠齡所奏大畧相同日前因該撫病勢尙未輕減曾奉旨令其速行回省安心調治此時大功將竣軍需糧餉等事該省本派有專員經理陸有仁病旣未愈自無庸駐紮漢中卽日內業

已就痊亦儘可回省料理地方事務現在南山餘
匪俱係零星散竄並無成股夥黨而川境之賊被
官兵追剿緊急恐其復竄入陝今已有旨責成興
奎惠齡楊遇春籌分投防剿該撫惟當嚴飭各路
寨員趁此時尙未洩寒幫同官兵上緊將山內零
匪逐段排搜務期淨盡並於各邊界嚴密防範毋
任川匪闖入此爲至要至糧餉一節此時東三省

官兵業經自陝撤回其隨征鄉勇亦已陸續資遣
回籍所需軍餉較前省減陸有仁尤當飭屬撙節
供支源源接運勿稍浮冒

同日楊揆奏言川省各股零匪節經督臣勒保
分兵搜捕日漸減少其闖入大寧一帶之楚省
竄匪亦屢有斬獲近有藍白號賊匪數百人由
廣元之熊家河向南江地界逃逸查該處現有

許文謨田朝貴等帶兵截擊自不致蔓延爲患
其餘零匪復經勒保刊發告示准其悔罪投誠
旋有賊首張長青於雲陽地方率衆投首卽此
可見該匪等窮蹙萬分求生無路如能相率來
歸較之搜捕更爲事半功倍至善後事宜莫如
安插鄉勇一事最爲要務現在陝省征防鄉勇
奉經畧臣額勒登保酌定條規

奏明裁撤其籍隸四川者分起資送回川遞原籍

州縣安插經_臣稟請勒保咨明陝省凡有遣回

川勇及經由川省之黔楚各勇每起酌若干人

先期按名造冊咨明川省發交入境首站之廣

元縣逐名點驗倘冊內有名而人不到者隨時

移知陝省則沿途可以及早清查川省亦可將

實在人數著落地方官安插茲據廣元縣稟報

已陸續到有九起均係遵照籌定章程每名每日給錢八十文米一升並搭蓋棚廠以資棲止現經川北道李鉉駐劄廣元稽查彈壓該鄉勇等一路行走尙屬安靜臣仍通飭原籍地方官遵照奉發條規妥爲安頓以期仰副我

皇上防患安民之至意至於軍餉一項計算至九十月間卽不敷支放除具稟督臣察核外如有要

需臣惟有將司庫正雜各款不拘何項先行籌
欸接濟不敢稍有貽誤奏入

上命軍機大臣傳諭楊揆曰楊揆奏官兵分剿竄匪
及安插鄉勇各情形一摺此時由楚竄川之賊經
各路鎮將分投截擊屢有斬獲節據勒保陸續奏
報與所奏大畧相同至安插鄉勇一節殊有關係
現在陝省裁撤征防各勇其籍隸四川者旣已分

赴省送遣回楊揆自當通飭各屬凡有遞到四川
鄉勇務須照冊慎重點收妥爲安頓至軍餉一項
刻下搜剿餘匪及善後事宜正多需用已降旨籌
撥矣

上又命軍機大臣傳諭倭山三義助曰現在大功尅
行告蒞川省辦理善後事宜需用尙多著傳諭倭
山三義助於兩淮鹽課項下撥銀三十萬兩粵海

關稅項下撥銀二十萬兩迅速派委委員解赴川
省交勒保收貯備用並飭令沿途地方官小心護
送毋致遲悞

二十二日

庚申

德楞泰奏言竊

臣

昨於十三日督

兵向熊莊前進探剿中子洋坪屯踞之賊途次
據副都統富僧德總兵蒲尙佐稟報帶兵由兩
河口已抵興山之豐玉坪等情查該處相距中

子洋坪不過百里係在賊之東面臣卽飛飭令

其星夜由鄭家坪狗兒灘向西北進發十四日

臣

趕抵熊莊離賊巢六七十里中隔兩重箐林

探報賊匪尙屯該處約有四五百人是夜二更

乘月色發兵

臣

派令馬瑜帶同副將沈瑪善馬

應國何君佐叅將馬文斌王占鰲遊擊楊登魁

劉彪左位等帶領兵勇由中央垵翻越老林進

剿臣督率富翰色爾滾溫春富登阿托爾托保

侍衛慶昌總管蘇卿阿協領德寧阿副總管珠

山副將達自祥朱士率叅將烏爾喜訥遊擊楊

森都司劉廷斌等帶馬步兵勇由溝底抄出截

殺十五日辰刻兵抵中子洋坪詎賊已向雙池

東竄兩路官兵疾馳五十里直至雙池趕上

賊匪時已申刻馬瑜阿呢瑪善馬應國何君佐

馬文斌等由左手山梁下壓臣督同富翰色爾

滾從右手正路衝擊該匪憑險抗拒兩路兵勇

分投齊進鎗箭並發殺賊四十餘名生擒李大

興袁馬氏等九十一名搶獲賊旗刀矛馬騾牛

隻甚多餘匪敗向平水河沿途紛紛散逃臣隨

分兵搜捕富翰色爾滾馬瑜等帶兵緊跟不予

以暇適富僧德蒲尙佐副將馬元沈洪泰將張

應貴遊擊虎正林等由豐玉坪鄭家坪向西迎
截來至狗兒灘正值殘匪東逃兜頭截住前後
夾擊又殺賊五十餘名生擒吳顯倫等七十二
名滾崖跌斃及渙散者亦多又搜獲張觀書等
二十一名約剩餘匪一百二十三名折向金子
山北逃時已天晚計兵馬趕剿已有一百六七
十里又係老山箐林之中勢難再進當將獲犯

並馬騾牛隻旗幟器械呈繳前來訊出探馬頭
李大典董天文大旗手袁大章周學俊四名均
卽擄割戰手王仲英等七十二名一併正法其
附近被擄男婦大小難民王化英蔣成虎袁馬
氏胡翼氏等一百零九名照例省釋交與山縣
妥爲遞籍旋探該逆尙有一百二三十人由金
子山向田溪灣西北而逃若無兵趕緊跟剿又

恐擄脅爲患

臣

當派托爾托保朱士奉烏爾喜

訥帶領原兵一千餘名窮其所向務將餘匪擊

滅並令沿途搜捕零匪惟近探陳姓賊股與巫

山文武具報賊數多寡不同又由火峯界嶺竄

至川楚交界之三灣子一帶該處逼近江岸距

臣

軍營五百餘里

臣

現卽督率將領員弁兵勇

取道歸州之平陽壩前往趕辦並先行知分駐

大寧巫山之蠻紳張續預爲嚴防堵截諒亦易

於掃除至崔胡二逆五六百人北逃

臣

前令遊

擊李東宜等帶兵趕追日來未據稟報其熊翠

熊方青等遺孽近按經畧額勒登保自曾家壩

來信只剩數十人南竄化龍山一帶又有馬賊

二十餘人竄往豐溪均有入川之勢業已另派

官兵緊蹙趕剿令德昌在於竹溪郭家洲一帶

搜捕零匪等語

臣

亦已嚴飭該總兵實力搜剿

不任遲延再

臣

自陝界迎截崔胡戴四賊股至

川境毗連之蕭家坡所過二竹境內並無一二

百成股之賊茲又南至房縣興山地界只有向

李兩起零匪業經掃盡其青黃兩號四百餘人

亦被剿殘詢之富僧德等據稱自竹山之官渡

出房縣保康境內西至興山曾經遍查不但無

成股之賊亦並無零匪又宜昌府知府金之忠
催運糧餉來營據稱南漳保康東湖歸州各屬
地方均爲寧謐現在全楚賊情大概如此此次
惟吉林戴花翎防禦色克津保右膀被矛穿透
四川藍翎外委盧一得左頸項受矛傷一處均
不甚重其陣亡受傷兵勇十數名容俟查明咨
部辦理奏入

上命軍機大臣傳諭德楞泰曰此次青黃兩號餘匪
在中子洋坪屯踞經德楞泰派令馬瑜富翰等帶
兵分路追擊共擒斬三百數十名祇剩餘匪一百
二三十名向西北奔逃現經德楞泰派令托爾托
保等帶兵窮追看來此起餘匪狼狽已極自可卽
日殲除至陳姓股匪現在竄至川楚交界之三灣
子一帶德楞泰親自督兵取道歸州前往趕剿並

知會豐紳張績預爲嚴防堵截想亦不難剋期辦
淨此時楚北境內已無成股之賊陳姓股匪又已
竄至川省交界地方德楞泰當督飭鎮將等卽將
此股餘匪就地剿淨或該匪竟竄入川境德楞泰
亦當帶兵緊躡追剿將陳姓股匪辦竣後卽可在
川會同勒保將線字號黃藍號各餘匪上緊剿除
務于十月內外一律蕩平勉成大功以膺懋賞至

此次打仗受傷之防禦色克津保外委盧一得現在傷痕曾否平復著德楞泰查明遇便覆奏

同日吳熊光奏言查戴四桂胡各逆經叅贊德楞泰統兵追擊並分派將領四路兜截茲據探報副將何君佐馬應國及副都統富翰副將呢瑪善等兩路官兵趕至顧村河會探知該逆竄至施家溝屯匿離顧村河數十里何君佐馬應

國等卽連夜帶兵由茶元河前進富翰呢瑪善等亦卽帶兵由涼水壩前進五鼓行抵該處該匪等正欲他竄富翰呢瑪善等從山梁直下撲剿何君佐馬應國等夾攻迎截殺斃三十餘名生擒四十四名餘匪向密林逃竄兵勇跟蹤由長房河一路追捕時該匪遁匿毛臘河地方兵勇乘夜馳往襲擊該逆等在民房歇息經兵勇

四路截殺殲擒殆盡內首先率衆衝出一賊經
兵勇擊傷旋即擒縛令其餘獲犯指認僉供卽
係戴四兵勇已將該逆並其餘獲犯俱送德楞
泰營盤訊辦惟崔宗和胡明遠二逆是否已在
節次所斃賊內抑尚在潛逃臣未接德楞泰知
會僅據深報未能詳盡想德楞泰研訊獲犯一
切詳晰情形自當卽行馳奏又據報副將呢瑪

善叅將王占鰲等帶領官兵入山探剿因中鰲
陽地方有零匪一股四五百人竄近該副將等
帶兵趕到平水河地方迎遇賊蹤適總兵蒲尙
佐亦帶兵趕到兩面夾擊斃賊百餘名割獲耳
記四十七副生擒一百三十九名餘匪竄向了
子山老林藏匿復經兵勇追捕又獲七十三名
等語此係何股賊匪未據報及臣查鎮臣蒲尙

佐一路官兵前經德楞泰派往巴東剿辦陳姓
股匪該處距巴東不遠此股零匪經該鎮追擊
前來或卽係陳姓一股今經兩路兵勇迎遇痛
剿殲擒三百餘名賊勢已蹙且戴四亦係元年
起事首逆今首夥旣除兵威益壯以之分剿陳
姓餘孽當可卽期得手至熊翠一犯前經兵勇
於王家山乘夜進剿當將熊方青殲斃尙不知

熊翠下落續據訊問獲賊熊翠已身帶矛傷爬

山逃遁料亦不能遠逸

臣

已飭總兵德昌會同

經畧額勒登保派到兵勇趕緊搜捕毋使漏網

其餘竹山竹谿南面山內據報零匪兩三股人

數均不過百餘及數十人不等

臣

分飭總兵德

昌吉林泰李天林分投探剿并遵照前次欽奉

諭旨發貼告示令沿途寨勇協力搜剿以期速就廓

清戴功完善奏入

上命軍機大臣傳諭吳熊光曰戴四崔胡等股賊匪
經官兵在施家溝毛臘河一帶兩次襲擊將首逆
戴四及其餘夥黨殲擒淨盡已據德楞泰奏到此
時崔胡二逆祇帶五六十人向北奔逃其熊翠一
犯業已身帶矛傷料亦不能遠逸業據德楞泰奏
明派兵跟追吳熊光當督率地方寨勇人等幫同

搜捕毋致逃匿漏網又本日據德楞泰奏稱伊在
雙池地方將青黃二號零匪痛剿之後已移兵巴
東巫山一帶專剿陳姓股匪等語此等殘敗游魂
諒亦不難撲滅此時楚省情形若將崔苒熊翠等
逆逃竄首夥悉行殲獲再將陳姓一股辦淨全境
卽可肅清至興巴房竹一帶山內恐有未淨零匪
在彼藏匿曾經降旨令吳熊光等分派鎮將逐段

排搜今楚省零匪將次剿淨所有排搜一事卽當
趕緊辦理以淨根株不可輕信帶兵人員之言以
山內現在無賊遂不復派員入山查辦也

同日

上諭內閣曰湖北省被賊州縣自嘉慶元年以來疊
奉恩旨豁免錢糧所有地丁屯餉起存驛站正項
及隨徵耗羨並雜稅隨漕驢腳等款均係一併豁

免此次該省被賊州縣著全保查照原奉恩旨內
被賊各州縣本年應徵地丁正耗錢糧全行豁免
者仍著加恩將本年應徵屯餉起存驛站正耗及
雜課隨漕淺船驢脚南折軍三安家幫津等欸一
併全行豁免其蠲免十分之五十分之三著
加恩一併分別蠲免十分之五十分之三至帶徵
節年屯餉起存驛站正耗及隨漕淺船驢脚南折

軍安幫津等欸亦著查照各該年應行展緩州縣
與地丁正耗錢糧分別展緩五年四年帶徵以示
朕恩施無已至意該部知道

欽定剿平三省邪匪方略正編卷三百四十七

壬戌

十月二十四日

壬戌

額勒登保奏言竊

臣

因各股

剿潰零匪每於邊界游奕兵至則藏匿無蹤兵

去又復湊合成股必須卽爲趕剿是以擬將陝

楚邊界先予肅清方可酌量移師他往連日疊

飭各路官兵在竹谿境內分投搜剿據犯總顧

應全敬朝貴稟報分派鄉勇限剿熊翠零匪於

初三日在得勝寨山梁見有賊匪五人俱係赤身經各勇上前戳斃二人滾巖跌死二人因熊翠尙無下落仍分路搜尋初五日行至代坡探悉又有零匪四五十人與之合夥藏聚小魚溪老林該弁等卽於四更趕往圍剿該匪驚覺遍山亂竄當經斃賊七人投出賊匪王啟受余文運二人并救出新裏附近百姓五人當交寨首

領回餘匪卽向散水河奔竄經總兵德昌所派
叅將承祿都司麻光裕帶領前敵兵勇由石板
河鯽魚河腦趕剿前來立斃賊五人生擒活賊
四人餘匪亡命四竄查訊此係熊翠分股餘匪
謝姓帶領已向三壩高佐河逃竄麻光裕顧
應全等仍跟蹤搜剿而進扎克塔爾等追剿奔
竄王家河之賊八九十人連日據報該匪晝夜

狂奔初七日逃至百人溝扎克塔爾是日帶領
遊擊劉健標趕至杏兒坪天色已晚適有格布
舍副將張瑗由王家扒一路探剿前來會合該
匪狂奔愈速半夜竄至湖溪該處有總兵喜明
所派遊擊楊雲霄防守聽聞寨民號礮知有賊
匪卽派千總楊宗道外委韓復始帶領兵勇數
十名出卡向號礮處所親探甫行數里該匪等

由林內突然衝至夜色昏黑兵勇與賊攪殺一處殺賊數名千總楊宗道外委韓復始并受矛傷陣亡兵勇亦傷亡十數名該匪奪路竄去次日張瑗劉健標帶兵趕至謝家灣追及賊尾殺賊八名該匪飛竄黃墩老林遁入太平境內都司張起鰲守備馬忠良分帶兵勇連日由下三壩周家壩所追賊匪五六十人初五日在龍洞

河趕及賊尾殺賊五名生擒活賊二名該匪卽
奔入五里了老林次日由高佐河趕截扎克塔
爾格布舍帶領馬步兵勇亦由劉家坪豐溪一
帶緊顧西面策應而進初八日張起鰲等行抵
黑溝探悉賊匪在大河擂鼓臺老林民房屯聚
相距五十餘里當卽於二更時發兵分爲三路
圍剿黎明時齊抵賊屯處所吶喊圍殺該匪等

拚命抗拒兇狠倍常兵勇爭先衝入當斃賊匪
十餘名餘匪始行慌亂翻山分竄兵勇分投追
殺生擒二十一名滾巖跌斃十數人此股全行
剿淨旋探報石滾坪陰坡一帶有賊匪二百餘
人竄來張起鰲馬忠良卽帶兵勇馳往探剿扎
克塔爾格布舍催督官兵亦由鍋邊河前進初
十日張啟鰲等行抵奇玉河探有賊匪數十人

在水石巖掠食當卽就近往剿兵抵該處賊已
啟竄各兵勇奮力趕殺生擒八名斃賊十七名

餘匪亡命竄入老林而逸查訊獲賊此股係黃

藍各號零匪奏合在圓頂老林奔竄等語

臣嚴

飭緊躡剿辦務期殲淨

臣

現已行次唐家坪設

該匪被剿窮蹙向西北兩面奔竄均可顧及並

據賽冲阿報稱防守漳河坪都司祝鳳鳴稟報

探有川界等匪一百餘人由老鴉口竄至黃栢
達老林屯聚當帶兵趕往截剿初一日五更前
隊兵勇行抵該處見溝內屯有賊匪當卽撲下
衝殺立斃賊四名生擒賊匪二人該匪仍翻山
向川界竄去又據都司柯藩稟報守備王英挑
派鄉勇在元河搜緝殺賊八名生擒四名錄供
稟報前來查核均係各股剿潰零星散逃之賊

當卽飭令正法是刻下零匪總在邊界紛竄必
須逐處嚴搜淨盡

臣

已飛飭各卡隨時差探防

剿不得稍有疎虞前接德楞泰來信知戴四桂
胡股匪經數路官兵分投截剿連獲大勝擒殺
賊匪數百名該逆等只剩二三百人逃去現仍
跟蹤緊躡日來又已旬餘當已擒渠掃逆又探
得巴東界內尙有陳姓餘匪一股德楞泰已派

副都統富僧德總兵蒲尙佐帶兵二千餘名由
漳洛河松羅河前往趕剿等情查楚中賊匪共
計祇千數人德楞泰如日內將戴四崔胡一股
辦竣其陳姓一股及各處零匪更不難以次遞
掃德楞泰自必統率各路勝兵由東向西轟逼
卽可與川陝邊防官兵夾擊蔽功臣前因川省
賊數稍多恐其紛竄飭穆克登布在雙河塘麻

柳壩隨時探剿叠據川省文武稟報太平境內
李士品一股已經叅將桂涵剿殺殆盡餘匪無
多其張湯股匪向西奔竄亦經副都統達斯呼
爾岱帶領遊擊陳弼羅思舉等得獲勝仗斬獲
二百餘人并賊目多名張簡一犯亦經擒獲田
朝貴在太平境內亦將該處鼠匪叠次擒斬多
名川北餘匪無幾現在有劉清帶勇搜捕至勒

保督率達勒精阿武隆阿趕剿由雲萬竄入大
竹梁墊一帶之賊有數路兵勇可以剿辦得手
刻下川省賊匪共計不過一千數百人官兵分
路跟追不難辦理即使該匪被剿紛竄川北陝
界有穆克登布在紫太一帶亦可顧剿夾擊

臣

又令賽冲阿帶領馬步官兵由白土關太平河
赴洵白邊界探搜如楚境零匪竄入即可就近

剿辦現在川楚竄匪統計不及三千人再經一
兩次痛剿後即可奏報歲功臣將二竹零匪趕
緊掃除卽赴川陝連界之處察看何處有賊卽
分兵前往協剿以期早報肅清仰慰

聖厪奏入

上命軍機大臣傳諭額勒登保曰此次額勒登保分
派鎮將等搜剿散竄零匪叠有斬獲並將擂鼓臺

老林一股屯匪殲盡所辦尙好據稱現在川楚竄
匪統計不及三千人一節昨據德楞泰奏報業將
戴四股匪剿淨崔胡二逆祇剩五六十人向北窮
竄想額勒登保發摺時尙未得有此信此時楚省
祇剩陳姓一股合之川省賊數統計不過二千餘
名昨已降旨令德楞泰剿淨陳姓股匪後卽統兵
赴川或陳姓竄往川境亦卽跟蹤追剿是德楞泰

此時業將入川況楚省竄匪離陝省邊境已遠不能復行折竄卽二竹地方尙有一二零匪需人搜捕額勒登保現已派穆克登布賽沖阿帶兵駐彼亦足以資堵剿額勒登保當帶領勝兵向南迎探入川與德楞泰勒保三面兜逼將梁萬太平一帶殺字黃藍等號各股零匪合力夾擊務於十月內外一律剿辦成大功不可再有遲延再此等餘

匪當茲窮蹙已極猶復捨命抗拒可見其頑性成
雖自揣萬難僥倖尙不知悔罪投出可惡亦復可
憫額勒登保等於臨陣痛剿時不妨察看情形示
以一綫生路諭令投出免死伊等投戈乞命卽當
貸其一死庶多一投出之人卽可保全一人生命
惟在額勒登保等隨時妥辦不可預持成見亦不
必有心招撫轉致剿辦稽時也至此次在湖溪地

方殺賊墮亡之千總楊宗道外委韓復始俱著咨
部賜卹

同日額勒登保德楞奏奏言竊查教匪滋事以
來徵調各省官兵爲數不少分撥三省往來剿
賊其中有原帶大員陞遷事故輾轉交替并間
有人亡卷失情事以致兵數難於即時確查其
故總因此次剿賊數年逐日奔走兵丁中有受

傷患病者除係帶兵官驗明給票赴各州縣調
養均經隨時按名分別辦理外其有途次陡患
病症既不能隨隊奔走深山僻壤又不及給票
赴縣調養其中病愈趕到者固不乏人而落後
並無消息者亦屬不少實緣師行無定當兵丁
在途患病之時統領鎮將帶兵過行不能以一
二病兵畧有遲緩卽該管備弁亦須隨同鎮將

前進不及親身稽查多係紮營之後分派目兵
轉回尋覓師行迅速落後一二日卽隔二三百
里落後病兵旣未知存亡而轉回尋覓之目兵
亦甚至日久皆無下落或係因病身故或係病
愈趕營中途遇賊戕害或山水陡發猝爲衝斃
或距營過遠盤費無措又復滯留他處或因往
返趕營落後日久畏懼

國法卽行藏匿不敢來營皆所不免帶兵官無從
查察因該兵日久未到不敢擔當有以脫逃具
報者亦有稱尙在訪查未經報出者并有以報
脫逃而該兵丁旋又來營者種種情形不一而
足現經凱旋則帶兵官弁處分甚重伏思此次
出師較他次迥不相同各官弁之失察逃兵更
與管帶不善者有間各官弁數年勤勞辛苦疊

蒙

聖恩予以陞階賜以議敘若因此層疊被議則鐫級
降職者必多且帶兵官弁陸續更換原帶之員
甚少接管之員甚多若按例概予處分則原帶
之員尙屬咎所應得而在接管之員情尤可矜
合無仰懇

皇上鴻慈擬從寬典其兵丁內有已報逃者俟緝獲

時訊明脫逃屬實則將該逃兵按律辦理該管
官弁仍行議處其有未經報出名糧虛懸者卽
趕緊確查或實無下落或已殘廢不能得力卽
免其深究將名糧開除另補額數不致虛懸其
軍營專兼管轄之官弁等均請免予查議俾安
心整飭營伍以收實效

臣

等前於會晤時屢會

商籌此事刻下軍務已竣目擊辛苦勞員無知

窮卒不得不顧懇

天恩如蒙

俞允俟

命下之日

臣

等卽行知調兵各省分欽遵辦理奏入

上諭內閣曰向來軍營帶兵人員於所轄官兵有脫
逃情事處分綦重此次剿辦教匪將已七年官兵
跋涉險阻晝夜奔馳異常辛苦此內私自潛逃者

固所不免但亦有因受傷患病以致不能隨隊行走中途落後或傷病身故遇賊戕害皆不可知並有該管之員派兵尋覓而尋覓之兵又因他故久無下落此與實在潛逃者其情迥異若因糧缺虛懸無著卽以脫逃具報輒將該管之員照失察逃兵例一律懲治則望議者多未免漫無區別現在大功將蒞各路官兵均次第凱旋著額勒登保等

詳查各營內無著兵丁或實係攜帶物件私自潛
逃衆證確鑿或拿獲之後審訊明確無可支飾者
自應將該逃兵照例辦理其專兼管轄之官弁等
亦屬咎無可寬均仍交部查議如該兵丁等實係
落後有因不及歸伍查無有心脫逃情節均可無
庸深究其該管各員應得失察處分均著加恩寬
免其虛懸名糧卽一面先行募補以實兵額

二十八日

丙寅

勒保奏言竊查黃藍綫字等號餘

匪一起被官兵剿敗後尙剩千餘人向通巴

帶遁逃

臣

飭令達勒精阿武隆阿等帶兵乘勝

緊躡前進復恐該匪等西竄江岸又派副都統

銜達斯呼爾岱副將羅聲皋等由巴州江口取

道從西南向東北逼剿其太平一路有由楚竄

入黃姓零匪一起派令總兵田朝貴帶兵剿辦

茲據田朝貴稟稱該鎮探得賊匪三百餘人竄
走馬家營鴨兒池一帶該境山路陡險兵力難
施必須先將賊匪轟出山外方易集事當與薛
陞王忠桂等帶領兵勇由錢家碕艾家營李大
坪等處設法轟擊該匪聞有官兵截剿卽星夜
由火燒壩向譚家壩奔竄田朝貴等率領兵勇
追至譚家壩該匪復入移鼠木臘溪土黃壩等

處十三日官兵追至土黃壩探得賊匪已走加
常灣與官兵相距七八十里田朝貴當將官兵
分爲兩路派薛陞王忠桂等帶領兵勇爲一路
由郎家山向左抄截田朝貴親帶官兵爲一路
由傅家碛險巖子向右抄截次日黎明薛陞王
忠桂等在北斗坪趕上賊匪鎗箭齊發殺斃五
十餘名生擒二十七名餘匪紛紛奔竄適值田

朝貴一路官兵迎頭截住又殲斃四十餘名生擒三十三名餘匪復向龍溪溝老鸞寨奔竄又遇辦理團練委員劉鵬萬帶領團勇在彼堵截鎗斃賊匪八名該匪復折向笋子坪遁逃薛陞王忠桂又帶兵勇間道抄出殺賊二十餘名餘匪分起四散奔逸田朝貴復派將備分路追殺各有擒斬天晚收齊兵勇至固軍壩暫紮計此

次共斃賊一百六十餘名生擒賊七十三名奪
獲賊旗長矛鳥鎗牛馬甚多查訊此起賊匪係
黃號餘黨黃如巡爲首共有三百餘人此次經
官兵剿殺計所剩不過百餘人或一二十人或
二三十人分起四散奔逃其所擒活賊內訊出
僞先鋒李廷龍僞總兵蔣聞道李文仲旗手李
士桂戰手倪應海等共三十五名分別正法其

被脅難民吳上友等三十八名遞回原籍釋放
仍飭田朝貴務將餘匪搜捕淨盡又叅將桂涵
一路兵勇據報十三日行抵大竹趙家場探有
賊匪四十餘人在烏龍寺一帶竄走桂涵因賊
數無多恐其聞有官兵消息卽驚竄無蹤當卽
乘夜進兵行至烏龍寺天尙未明兵勇四面圍
住殺斃二十七名生擒十四名訊明後卽概行

正法又據巴州知州田文煦稟稱近日有官兵
剿散零匪四十餘人在該州所屬鼎山地方藏
匿該州防汛千總陳安邦帶兵督同團勇搜捕
賊內有周大貴等二十三名棄械投出尙有賊
十九名抗拒不投當被兵勇圍住全行殲淨又
江口巡檢韋遲帶領團勇在藩家梁搜獲受傷
落後賊匪李滿兒等七名均交臬司劉清審訊

錄供稟報前來當卽分別正法釋放至黃藍綫
字等號合夥之賊昨經達勒精阿武隆阿等剿
敗該匪卽亡命向西竄走適有達斯呼爾岱羅
聲畢等一路官兵由巴州江口兜截該匪遂分
作兩股一股三四百人竄至太平絲羅壩一股
六七百人由巴州折向通江此股人數較多達
勒精阿武隆阿等帶兵緊躡至通江所屬大溝

壩地方趕及賊尾殺斃二三十名生擒十六名
所獲活賊周學富等均係老賊當卽正法該匪
因官兵追急卽向太平官壩一路竄走

臣

查官

壩已在川陝邊界左通竹峪關右走入竹河現
已飛飭達勒精阿武隆阿等設法兜截若竄過
陝境務跟蹤過陝窮其所向並恐該匪折回太
平東鄉一帶現又飭令達斯呼爾岱羅聲臯等

帶兵由通江東鄉取道迎截至此起賊內分竄
太平絲羅壩之三四百人已飭令田朝貴就近
探剿其開縣前報由楚竄入不知姓名賊匪四
百餘人現由雲陽竄向大寧地界又由陝竄入
之王國賢餘匪一起三百餘人向開縣雲陽一
帶竄走現派遊擊羅思舉陳弼等馳往分投剿
辦計日內即可接仗至大竹梁山墊江隣水忠

州萬縣等處均有新近節次剿散零匪或數人
或一二十人或三四十人各處藏匿統計有一
二百人現派桂涵帶領兵勇督同團寨隨地搜
捕以期淨盡又探得通江南江等處與陝境連
界老林內亦尙有賊匪或一二十人或二三十
人往來藏匿現飭總兵許文謨帶領遊擊唐際
盛夏雲龍等隨地搜捕務期淨盡再上昨因首

逆湯思蛟張簡等糾合餘匪由楚竄川當卽派
委副都統銜達斯呼爾岱副將羅聲臯叅將蕭
鳳來遊擊馬成林羅思舉陳弼等分帶兵勇兜
截剿辦仰仗

皇上天威將該首逆次第生擒餘匪全數殲盡經
先後繕摺具

奏在案惟是彼時該匪因官兵追剿亡命狂奔忽

分忽合蹤跡狡猾經達斯呼爾岱羅聲臯等緊
躡賊蹤由川東直至川北晝夜竭力窮追分投
剿辦不予以暇始能將該匪首夥全行殲淨將
士兵勇實爲奮勉出力相應請

旨分別加

恩以示鼓勵

臣

謹擇其尤爲奮勇者開繕清單恭呈

御覽伏候

聖裁奏入

上命軍機大臣傳諭額勒登保勒保惠齡曰此次大
竹巴州等處所剿餘匪數十名皆係官兵剿散零
星之賊卽太平黃姓竄匪經田朝貴等分路追剿
雖有斬獲亦尙剩百餘人四散奔逃至黃藍綫字
等號餘匪尙有千餘人分向太平通江逃竄經官
兵追急已向川陝交界之官壩地方竄走此起彼餘

匪從前由楚竄入川境皆由該處官弁不能實力
堵截以致乘間闖入迨至達勒精阿武隆阿等帶
兵迎剿又不能迅速殲除僅將該匪等轟出川境
復竄近陝省邊界實屬督剿不力所致勒保著傳
旨申飭現在官壩一起餘匪已經勒保飛飭達勒
精阿等設法兜擊該匪等被剿情急必思闖入陝
境雖川陝交界大路隘口均有官兵防守而小路

旁徑在在可通若被該匪等逸入卽距南山不遠
設又竄匿老林轉瞬卽屆嚴寒冰雪凝滑剿捕復
形棘手豈不又落故套今歲又不能成功殊有關
係昨經降旨令額勒登保帶領勝兵入川與德楞
泰勒保三面兜逼將綏字黃藍等號零匪合力夾
擊茲該匪等已向太平官壩一路竄走有入陝之
勢額勒登保自當確探賊蹤迎頭截擊務將此起

餘匪與川省官兵并力夾擊就地殲除卽或未能
剿淨亦當截回川界跟蹤追捕勿留餘孽斷不可
令其竄往南山又致稽滯本日鑲藍旗蒙古都統
缺出已降旨將額勒登保補授額勒登保惟當倍
加感奮迅速奏功倘有疎懈致該匪等竄往南山
不特不能仰邀恩眷並當治以應得之罪至惠齡
係該省總督節據奏稱陝省緊要各隘口俱已分

派官兵嚴密守禦亦當飭令該鎮將等悉力堵剿
若令綫字等號餘匪闖入境內甚至竄進南山必
將惠齡及防堵之員一并治罪凜之勉之其二竹
一帶現有賽冲阿穆克登布在彼足資防剿況楚
省零匪已屬無多自無慮其竄陝額勒登保當專
心籌剿川省綫字等號餘匪以期尅日殲除可不
必並顧陝楚邊境也勒保仍當嚴飭達勒精阿武

隆阿等上緊兜剿卽該匪等竄入陝境亦當窮其所向與額勒登保一路大兵兩面夾攻更易辦竣其開縣雲陽大竹梁山等處零匪並著勒保嚴飭鎮將趕緊辦盡速就肅清再前於十九日據楊揆奏到辦理軍餉情形一摺朕以該省現在搜捕餘匪及辦理善後事宜正多需用之時不待該督奏請撥餉已降旨令佶山三義助於兩淮鹽課項下

撥銀三十萬兩粵海關稅項下撥銀二十萬兩迅速派員解川該省餉項極爲寬裕勒保惟當督飭局員妥爲經理勿誤供支並仍飭帶兵將弁一律奮勇速藏大功毋得再有延緩致干咎戾

同日

上諭內閣曰勒保奏查明軍營出力員弁兵勇請加鼓勵均照所請布特海副總管格亨德爾著加恩

賞給額外總管布特海領催委防禦薩靈阿著加
恩賞給阿彥泰巴圖魯名號呼倫布依爾領催委
防禦伯圖依著加恩賞換花翎遊擊馬成林陳弼
都司文自新邱鳳岐著加恩賞戴花翎黑龍江甲
兵委官鄂爾托延三姓領催委驍騎校和楞保布
特海領催委驍騎校巴圖蒙古四川候補守備周
澤洪千總張文魁李思貴額外外委李明祥目兵

杜鎮海張觀國林國英馮殿邦李國才王全玉岳
廷棟李忠盛譚正貴州目兵羅洪友向正得四川
鄉勇黃陞苟陞胡正連陳陞扈三鳳王榮夏才榮
著加恩賞戴藍翎其盤獲首逆湯思蛟之外委買
玉壽前經拔補把總該弁尤爲奮勇著再加恩以
千總超補仍賞戴藍翎黑龍江領催瑚什哩甲兵
烏蘭泰齊星阿默津保阿爾新保布特海領催霍

里保呼倫貝爾甲兵達克丹齊齊哈爾甲兵集保
著加恩賞給額外驍騎校該部知道

同日陸有仁奏言竊

臣

接據探報南山餘匪分

起零星奔竄一起二十餘人竄至小秦嶺西溝

經提督楊遇春派兵擊剿殲斃賊匪十九名生

擒偽先鋒謝添貴又一起五六十人竄入蓀葉

坪經軍功王明智蒲子琴率勇截殺斃賊十餘

名生擒賊目苟文清又一起三十餘人竄至西
傳家河經總兵楊芳帶兵圍剿盡數殄滅又一
起十餘人竄入鄆縣廟坪老林經通判雒昂典
史金大典帶勇搜剿擒斬淨盡又一起約七八
十人竄至盤屋沙窩子經委員張廷相督率軍
功朱升帶勇堵剿與賊攪殺互有傷亡朱升奮
力衝撲被賊戕害幸總兵李應貴帶兵趕到殲

賊多名餘匪卽由黑圪塔逃竄李應貴緊躡追
截楊遇春因各起零匪勢俱西趨現在帶員馳
至四畝地一帶設法兜截督臣惠齡亦由峪口

進山向八里坪等處探剿其西鄉界外零匪經
穆克登布隨地搜洗亦日就消亡並探聞楚省

崔胡股匪業經叅贊德楞泰全數掃蕩更可一

律迅速藏功臣實不勝欣慶至臣欽奉

諭旨陸有仁患病未愈儘可令其回省安心調理兼料理地方公務毋庸駐劄漢中等因

臣

跪讀之下

感激涕零莫能自己

臣

日來連服清補之劑甚

屬相投力疾辦公已不致時形愴恍惟氣力尙覺虛弱現擬於數日內帶同醫人緩程回省以期尅日調治就痊仰慰

聖恩垂厪至漢南一帶供應各路糧餉早經辦定章

程臣仍隨時查考但省城相距稍遠必須派定

明幹之員接手經理查陝安道朱勲承辦西路

裁撤鄉勇事宜業將完竣臣已就近調回郡城

將一切糧餉事宜面爲交付該道人甚明白自

能恪守成規盡心經理所有兵糧一項前蒙

賞撥江西省協米八萬石現已陸續全抵陝境臣酌

量各路緩急裒多益寡隨地分撥存貯供支儘

屬寬餘又餉銀一項此時西路鄉勇已撤十之
八九留卡者爲數無多惟東路紫陽平利等處
尙未裁撤完竣而各營卡員兵丁凱撤者不及
十分之二其餘正在歸隊防守且連月來經畧
大營兵餉仍俱係陝省供支是以每月餉銀雖
已稍減於前尙未能大爲節省臣總當隨時稽
察覈實支銷斷不敢藉病偷安稍任浮濫再漢

中府知府趙河督飭寨員張錫祺拿獲賊目李

名剛

臣

前經

奏明提至漢中審辦嗣據解犯前來當卽飭委知府樊士鋒嚴行審訊據該犯供稱四川簡州人嘉慶二年冬間投入徐添德賊營卽拜徐添德爲師充當總兵後復與王三槐合營到處抗拒官兵打仗不記次數並曾親手戕害總兵朱射

斗本年又與苟文明合夥竄陝因被官兵剿敗
逃至城固柳樹店地方被寨員拿獲等語

臣復

親爲提訊並加以刑夾矢口不移查該犯肆惡

多年並曾戕害總兵大員實屬罪大惡極

臣審

明後當將該犯縛赴市曹凌遲處死並剗取該

犯心肝當場安設朱射斗虛位致祭以慰忠魂

而彰

國憲至出力案勇業經候加獎賞六該員投効主簿

張錫祺擒獲兇悍賊目尙爲勦奮臣已另摺

奏請留陝委用可否量加鼓勵之處出自

聖主逾格鴻慈再前任葭州知州朱昌琿歷年承辦
軍務出力曾經經畧額勒登保奏懇

聖恩加賞知府職銜嗣准部文該員已遵例捐陞員
外郎離任自應給咨令其赴部候選惟查該員

經手軍需欸項爲數不少一時未便離陝且該員歷任地方官聲尙好熟悉風土民情如蒙

聖主鴻慈將該員仍留陝省以同知直隸州酌量

補用實於公事有裨

臣

與督

臣

惠齡往返札商

並據兩司具稟意見均屬相符理合附片陳

奏奏入

上命軍機大臣傳諭陸有仁曰此時陝省零匪不多

又俱逼往西路去老林漸遠易於剿捕陸有仁病
未全愈自應遵旨回至省城安心調理辦理地方
事件其各路糧餉本經辦定章程道員朱勲人亦
明白能事自可令其接手經理省城距漢中尙不
甚遠陸有仁仍可隨時飭查俾無貽誤刻下陝省
兵勇已次第凱撤且經畧額勒登保一路官兵現
由湖北前在四川所有陝省應辦糧餉無多更易

籌備大功不日告蒧該撫卽病愈後亦毋庸再赴
漢中也又據奏拿獲賊目李名剛訊係戕害朱射
斗之人已將該犯凌遲致祭等語該犯李名剛親
手戕害總兵大員實爲可恨今主簿張錫祺能將
該犯留心盤獲尙屬能事著加恩以縣丞留陝補
用至李名剛一犯該撫於審訊明確後處以凌遲
並將朱射斗設位致祭以慰忠魂自應如此辦理

著陸有仁於接奉諭旨後再行派員將該犯李名
剛首級解往朱射斗原籍地方傳到朱射斗親族
仝往墓前傳旨致祭並諭知伊親族人等以前年
朱射斗殉難捐軀卽見收於此賊之手今此賊經
兵勇盤獲後業經凌遲處死卽在陝省爲朱射斗
設位致祭茲復蒙皇上恩旨特令將該犯首級再
解來原籍地方致祭並令親族人等共見共聞同

深感慰所有此次遇賊衝撲被害之朱升著照陣亡例咨部賜卹

同日

上諭內閣曰陸有仁奏知府職銜前任葭州知州朱昌琿現已捐陞員外郎離任應令赴部候選惟該員有經手軍需欸項一時未便離陝且該員愿任地方官聲尙好請留陝酌量補用等語著照所請

宋昌珩准其留於陝西以同知直隸川酌量補用
該部知道